



C.I.F. G-70.454.657

PROPOSTA DE RESOLUCIÓN PROVISIONAL XUNTA DIRECTIVA

Dña. Teresa María Oujo Reino, maior de idade, con DNI número 32.815.913-L, como secretaria da asociación Grupo de Acción Local do Sector Pesqueiro (GALP) Ártabro Norte, con NIF número G-70.454.657, e domicilio social na Casa do pescador de Miño, rúa do Curro nº 33, código postal 15630, Miño, provincia de A Coruña, en virtude das competencias que teño atribuídas en virtude do artigo 22 dos Estatutos da mesma,

CERTIFICO QUE,

Que segundo se recolle na acta da reunión de Xunta Directiva celebrada o día 8 de abril de 2026 na Casa do Pescador do Concello de Miño, no punto 2. "Relación de proxectos presentados convocatoria 2026 e aprobación, se procede, da proposta provisional da Xunta Directiva, establecendo un prazo de 10 días hábiles para presentación de alegacións (PE155A) para ser enviados á Consellería do Mar para resolución definitiva", as entidades membro da Xunta Directiva (estando presentes ou representadas once das trece que conforman a Xunta Directiva) adoptaron os seguintes acordos:

1. A Xunta Directiva do GALP Golfo Ártabro Norte seleccionou provisionalmente os proxectos considerados prioritarios para a execución da súa Estratexia de Desenvolvemento Local Participativo, conforme aos criterios establecidos nesta e ao disposto na Orde do 12 de decembro de 2025 pola que se establecen as bases reguladoras para a concesión de axudas ao abeiro das EDLP, no marco do FEMPA 2021-2027 (DOG nº 10, do 16 de xaneiro de 2026, procedemento PE155A).
2. Todos as persoas presentes, en representación das entidades membro da Xunta Directiva, asinaron antes do comezo da reunión, a declaración de ausencia de conflito de intereses, e ausentáronse no momento da votación do proxectos nos que tiñan implicación.
3. Nos caso de empate nas puntuacións, o equipo técnico aplicou o disposto n punto 11 do artigo 19 ("fase de instrución") da Orde de Axudas do 12 de *decembro de 2025*.
4. Para unha correcta xestión dos fondos neste ámbito territorial, e poder chegar a cumprir ao máximo o obxectivo financeiro do programa, tendo en conta o Convenio asinado coa Consellería do Mar que ten por obxecto "establecer as condicións e obrigas que asume o GALP como entidade colaboradora da Consellería do Mar na dobre vertente de axente de desenvolvemento na aplicación da estratexia de desenvolvemento local participativa da zona pesqueira, e na xestión e control das axudas que se tramiten para o desenvolvemento da estratexia", a Xunta Directiva acorda que se aproben todos os proxectos económicos, non económicos e de concellos polas contías establecidas nos anexos, tendo en conta o límite orzamentario da Consellería do Mar e na propia Estratexia de Desenvolvemento Local Participativo do Golfo Ártabro Norte.
5. Que no caso de non existir crédito orzamentario para atender todas as solicitudes aprobadas desta convocatoria 2026, a Xunta Directiva acorda que sexan incorporadas a unha lista de reserva, tendo en conta o artigo 21.4 da Orde de axudas do 12 de decembro de 2026 "*Establecerase unha listaxe de reserva con aqueles proxectos incluídos na proposta de resolución definitiva dos GALP que non poidan recibir axuda por falta de crédito, que será empregada para os casos nos que non se esgote o crédito dispoñible ou se incremente este posteriormente en virtude de renuncias, de modificación de resolucións de concesión ou de dotacións orzamentarias adicionais*".



Grupos de Acción Local
do sector Pesqueiro
Golfo Ártabro Norte



Rúa Curro, nº33 – 15630 Miño (A Coruña)
Tlfno. 981 784 417 / 636 736 788
mail: galp.mar.golfoartabronorte@xunta.gal

C.I.F. G-70.454.657

6. A presente proposta queda condicionada á revisión da documentación requirida ás entidades solicitantes e as comprobacións do sistema SANCIPES.
7. Esta proposta de resolución provisional de Xunta Directiva para proxectos das partidas orzamentarias 760, 770 e 780, así como os desestimados/inadmitidos da Convocatoria 2026, non crea ningún dereito a favor da entidade solicitante proposta, estando suxeita á dispoñibilidade orzamentaria de crédito para as partidas orzamentarias 760, 770 e 780 para esta convocatoria 2026.
8. Establécese un prazo de alegacións de 10 días hábiles contados dende o día seguinte a súa publicación, que terá lugar o 8 de abril de 2026.
9. A proposta publicarase na web dos Grupos de Acción Local do Sector Pesqueiro de Galicia (<https://galp.xunta.gal/>) e no taboleiro de anuncios do GALP Golfo Ártabro Norte.
10. No caso de non presentarse alegacións, as propostas de resolución provisional considerarase aprobadas definitivamente, elevándose a público a correspondente proposta de resolución definitiva sen necesidade de celebrar nova reunión presencial da Xunta Directiva, ao non existir alegacións nin modificacións respecto aos acordos adoptados nesta reunión. No caso de que, tras a revisión da documentación presentada, se detecten cambios que afecten ao contido da proposta provisional, o equipo técnico deberá informar aos membros da Xunta Directiva, mediante correo electrónico, sobre as modificacións realizadas para que poidan expresar a súa conformidade ou non conformidade, antes da publicación da proposta definitiva.
11. Xúntanse como anexos á presente proposta de resolución provisional:
 - ⇒ Anexo I: Partida orzamentaria 760
 - ⇒ Anexo II: Partida orzamentaria 770
 - ⇒ Anexo III: Partida orzamentaria 780
 - ⇒ Anexo IV: Proxectos desestimados/inadmitidos
 - ⇒ Anexo V: Baremacións (follas resumo)
12. Unha vez transcorrido o prazo de presentación de alegacións, e atendendo ás que se presenten, o GALP Golfo Ártabro Norte formulará a proposta de resolución definitiva, que será publicada polos mesmos medios que a proposta provisional. No caso de non presentarse alegacións, a proposta de resolución quedará definitivamente aprobada, sen necesidade de nova reunión da Xunta Directiva.

E para que conste, aos efectos oportunos

Miño, 8 de abril de 2026

Visto e prace

José Antonio Anido Núñez
Presidente

Teresa María Oujo Reino
Secretaria



Grupos de Acción Local
do sector Pesqueiro
Golfo Ártabro Norte



Xacobeo 2027



Cofinanciado por
la Unión Europea



Fondos Europeos